

***Dibsho ni Inpaspasing nonta ira Apostol (ACTS)***  
***Lessons Para iren Anak***  
LESSON 9

**Bible Story: Inbetkhag nen Apo Shiyos si Felipe ja to itod-an sota taga Ethiopia**

Scriptures: Acts 8:4-8;26-40

Learning Goal: Amtaen ni anak i kinaimportanti ni pantetneng ni Esel nen Apo Shiyos tan sota kedegen shagos ni To kepan-ikowan.

**Review Questions:**

1. Sipa i engikowan ey say emati ket manda-kam ni digat? Si Apo Jesus
2. Sipa sota nanpaishalan ni Ispirito Santo tan etoled ja mengikowan ni Esel Apo Shiyos so ni eshom? Si Esteban (Stephen)
3. Nonta inon-an ira ni Sanhedrin i dopa nen Esteban, nganto sota inpangesas sha son si-khato? Singa dopa ni anghil i dopa to.
4. Ngantoy nem inkowan nen Esteban so nonta ira makakontra son si-khato maypangkep ni ipaspasamak shi Shaan na Tolag ingkhato nonta inbono sha son Jesus? Panpa-inemnem son si-khara sota eg inpatpati so nonta ira Hodiyos ira nonta nansilbilbi son Apo Shiyos tan sota eg sha so inpati tan inbonora so nen Apo Jesus.
5. Apay nga etoled si Esteban ja engikowan ni podno so nonta ira makakontra son si-khato? Agsipod ta wara son si-khato i Ispirito Santo tan inaknan nen Apo Shiyos ni daing to.
6. Nganto sota inkowan nen Esteban so ira nonta totoo ja inon-an tod dangit? Inon-an to si Apo Jesus ja dimayat shi apit ni kanawan nen Apo Shiyos.
7. Nganto i dingkha ira nonta pangolo ni Hodiyos tan sota ira totoon makakontra son Esteban? Kineskespigan sha ingkaton etey.

**A. Introduction:**

Meminpiga kayo ja man-exam shi iskowidaan jo ni makatawen? No man-exam kayo, wara i instructions ja kasapolan na basaen jo nin sakbay ya man answer kayo. Ta no eg jo basaen sota instructions tapos apil da i inpasing jo jen nan-answer, nganto i score jo? Owen zero.

Kas-ano ja maamtaan tayo iray instructions nen Apo Shiyos so nen si-khatejo? Owen, manbasa ni Biblia tan evatan tayon kosto no nganto i piyan To jen esden, say medekha tayo sota pan-imdengan nen Apo Shiyos. Inges to no man-exam kayo, no eg jo ivatan sota instructions ni maistara jo, eg jo amta i pesing jo.

Saja Biblia i instruction nen Apo Shiyos shi biyag tayo, jet no si-kham tan si-khak ket naysalakan babaen ni pamati son Apo Jesus ni dingkhatod koros, wara son si-khatejo sota Ispirito Santo ja manbibiyag son si-khatejo. Si-khato i ontolong son si-khatejo ja mengidesin ni piyan nen Apo Shiyos.

Asen tayo niman sota sakey nodta khait nen Esteban ja piton epili, si-khato ngay ket intenenganton kosto sota Esel nen Apo Shiyos et tinongpal to.

**B. Nantoro si Felipe maypangkep son Jesus shi Samaria Act 8:4-8**

Si Felipe i sakey nodta epili ja mansilbi ira nodta nankeballo. Agsipod ta kepati-a nen Felipe si Jesus ja Si-khato i mengisedahan piyan to ngo ja amta-en ni eshom isonga imekal shi Jerusalem et dimaw shi Samaria. Shiman intoro to ey si Jesus sota tongpal nonta padto nonta bayag da ey mengisedakan. Jet eshakil ira i makapipiyang ni to keitotoro. Tan sakey pay ja pinati-an sha so nen Felipe, inon-an shay eshakil la dingdingka tod man ja milagro babaen ni panakabalin nen Apo Shiyos.

Jet ebadeg i imdeng ni tootod Samaria ta inam-amtara si Jesus. Agsipod ta inonod nen Felipe jen emin iray bilbilin nen Jesus eshakil i tootod Samaria ja ibaliwan i biyag to.

Niman ngo ja intengan tayo i Esel nen Apo Shiyos nganto i dag-en tayo? Ibingay tayo i inamtaan tayo maypangkep son si Jesus shi eshom say no am-amtaen sha si Jesus, man-eming ngo ira.

### **C. Intorong nonta anghil nen Apo Shiyos si Felipe ja ondaw nodta kasaren ondaw shi Gaza.**

*Basaen tayoy Acts 8:26-28*

Nonta marama ja wara si Felipe shi Samaria inkowan nonta anghil nen Apo Shiyos ey ondaw nodta kalsara ja edapod Jerusalem ja menedong shi Gaza.

Pinati nen Felipe ja shagos i inkowan nen Apo Shiyos. Dimaw nodta inkowan nen Apo Shiyos ja dawan to. No son si-khayo, no wara i pan-ikowan nen apo Shiyos ja dag-en jo? Patien jo ngaten shagos wenno ikowan jo ey asanem onbadegak ono ekanin?

Baka ikowan jo ey meketabtabal bengat si Apo Shiyos ira so nonta tatang, nanang ono sota ira nan ketaengan. Shi 1 Samuel 3:1-18 inpa-sas tod man ey si Apo Shiyos ekitabtabal son Samuel angkhen anak pay lang si-khato ja inges jo. Nonta pilmiro eg indasin nen Samuel ey si Apo Shiyos sota nan-ayab ni ngaran to. Nem idi ninemnem nonta pari ey si Apo Shiyos, inkowan to son Samuel i dag-en to. Angkhato niman si Apo Shiyos amekitabtabal son si-khayo angken anak kayo pay laeng. No itinengan tayoy instruction nen Jesus, Si-khatoy mengitoshog son si-khatejo ja ondaga ira nonta piyan nen Apo Shiyos shi biyag tayo.

Inges to si Felipe, intorong ni Ispirito Santo ja ondaw nodta kalsara ja menedong shi Gaza. Habang eman-ekad nodta kalsara waray inon-an to jen kalesa ja emantoshong ali nodta kadan to, ja wara i nandogan na sakeyya toon taga Ethiopia ja Eunuch. Sajay ya to too sakeyya importantin opisiyal shi Ethiopia. Si-khatoy para egni ni pilak nonta Kandis reyna ni Ethiopia. Taga Ethiopia iyayya too nem dimaw shi Jerusalem ja en manshejaw son Apo Shiyos. Sajay ya too aliwen nin na emati son Apo Jesus nem si-khato sota too ja pipiyan ton am-amtaen si Apo Shiyos tan pipiyan ton dag-en iray kayshejawan nen Apo Shiyos. Isonga angken nay-arawi i dogad sha dimaw shi Jerusalem ja manshejaw.

Asen tayod jay ey aliwen emin na kaondaw shi Simbaan wara i pamati to son Apo Jesus. Inges to iya taga-Ethiopia nem ireka ondaw shi simbaan tep shiman bengat i amtaren pe-ngamtaan sha son Apo Shiyos.

### **D. Entorong ni Ispirito Santo si Felipe ja mekelogan nodta kalesa. (Acts 8:29-30)**

Binidin ni Ispirito Santo si Felipe ja en mekilokhan so nodta i opisiyal. Isonga si Felipe, kinano-an ton en nay-askang nodta kalisa, jet intenengan ton panbasa-a nonta opisiyal sota padto nen Isaiiah shima Isaiiah chapter 53. Si Felipe, inbag-an to nem to kaevati sota to kepanbasa-a. Jet sota opisiyal, kowan to ey, “Enshi, ekak evatan mesepol la waray mengi-odog son si-kak ni olog to.” Jet inevis tos Felipe ja mekilokhan nodta kalisa to.

### **E. Indawdawag nen Felipe sota Esel nen Apo Shiyo so nonta Eunuch.**

*Basam ono pebasam soni anak i Acts 8:32-35.*

Eg evatan nonta eunuch ono taga Ethiopia sota to kepanbasa-a shima dibsho ni Isaiiah 53. Isonga inkowan to son Felipe ey, “Ikowan mo ga son si-khak no sipay kaytoshongan niya kowan ni padto” si Isaiiah met lang ono, waray eshom?” Jet si Felipe, in-olog to iya padto nen Isaiias, ey si Jesus i kaytoshongan to, tan intoro to pay son si-khato i mapteng nga shamag maypangkep so nen Jesus. Sota mapteng nga shamag ket sota inpangikaro nen Apo Jesus ni basbasol tayo; Etey, naybika tan nan-ongal mowan ni maykatdon akew.

Inaknan nen Apo Shiyos si Felipe ni daing to jen mengiodog nonta padto nen Isaiiah maypangkep son Jesus. Shi pengibingay tayo ni Esel Apo Shiyos kasapolan tayo i daing nen Apo Shiyos say mepnoan i kasapolan ni sakey ya toon eg nen emati.

## **F. Emati sota taga i Ethiopia so nen Apo Jesus.**

*Basaen tayoy Acts 8:36-37*

Agsipod ta in explikar nen Felipe sota maypangkep nonta mapteng nga shamag. Inamtaan to ey managbasol si-khato et kasapolan to i Mengisalikan. Isonga binigbig to si Jesus ja Mengisedahan to et pinakawan nen Apo Shiyos i basbasol to ja si-khato i stay keshosaan to.

Idi waray inon-an niya eunuch ka shanom, inkowan to ey, “Iyay i shanom shiyay. Mebedin ngaten mebonjaganak niman shiyay?”

Jet si Felipe, kowan to ey, “No podnon emati ka son Jesus Cristo, mebedin.” “Emati-ak so nen Jesus Cristo ey si-khatoy podnon Anak nen Apo Shiyos. Kowan nonta eunuch. Isonga dimaw iren showa nodta shanom, jet binonjagan nen Felipe sota opisiyal.

## **G. Conclusion:**

Si Felipe i sakey ya mayat ja maonoran na emati. Pinati to jen shagos sota Esel nen Apo Jesus. Eg tayo amta no kas-ano ja eman-obda si Apo Shiyos shi biyag ira ni nandikmot tayo, isonga kasapolan na ibingay i mapteng nga shamag son si-khara. Niman na inamtaan tayo i kinaimportantin pasiya ni i onod tayo so nonta kaikowan nen Jesus, ikararagan tayo ni olay jen itenengan tayon kosto i To kaikowan et dag-en tayon shagos.

## **Memory Verse:**

### **Isaiah 50:4a** (Ages 6-7)

The Sovereign LORD has given me an instructed tongue, to know the word that sustains the weary.

### **Isaiah 50:4** (Ages 8-12)

The Sovereign LORD has given me an instructed tongue, to know the word that sustains the weary. He wakens me morning by morning, wakens my ear to listen like one being taught.”

Akas sakey ya emati wara kito ma so nen Apo Shiyos, jet wara i obda Ton panpadeka so ni sanseskey ya anak to jen dag-en sha. Nonta sakbay ya dimaw da si Jesus shi dangit, nganto sota inbilin to ira so nonta disipolos to? Daw kayo shi emin na ili shiya dobong, jet itoshoyo i maypangkep son si-kak say memati ira. (Matthew 28:19-20)

Say medeka sota panpadega nen Apo Shiyos, kasapolan na itenengan tayo jen kosto ni inakew sota ikowan To et ipalobos tayon Si-khato i mengitoshong ni biyag tayo.